

DEMONSTRATIO BRE- VIS ET NERVOSA,

Quòd corpus, & sanguis Christi, ve-
rè & realiter, in sacra Cœna, quæ in
his terris ritè peragitur, adsit, detur
& accipiatur externo modo, cum
pane & vino: non FIDE tantum,
aut SPIRITVALITER: sed etiam
ore corporis: tam ab INDIGNIS,
quàm à dignis: & quòd contraria
docentes, cum Augustana confessi-
one consentiendo, erroris & hære-
ticæ opinionis necessario palàm
accusemus & damnemus.

MENTO GOGREF A LVPP-
furt S. Th. d. D. Sicamber, Illustri ac ge-
nerosiss. D. Iohanni Ruebero à Con-
cionibus sacris.

Cyprianus:


Si solus Christus audiendus, non debemus attendere,
quid aliquis ante nos faciendum putârit, sed quid prior
Christus, qui ante omnes est, fecerit. Neq; enim homi-
nis consuetudinem sequi oportet, sed Dei VERITA-
TEM.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1000 S. EAST ASIAN
BUILDING
CHICAGO, ILL. 60607
U.S.A.
TEL: (773) 936-5000
FAX: (773) 936-5001
WWW.CHICAGO.EDU
LIBRARY@CHICAGO.EDU

THE UNIVERSITY OF CHICAGO
LIBRARY
1000 S. EAST ASIAN
BUILDING
CHICAGO, ILL. 60607
U.S.A.
TEL: (773) 936-5000
FAX: (773) 936-5001
WWW.CHICAGO.EDU
LIBRARY@CHICAGO.EDU

I.



Voniam hoc tempore cū I.
à clancularijs, tum à manife-
stis Sacramentarijs, varijs,
multiplices & noxij errores
passim sparguntur & disse-
minantur, de A B S E N T I A
corporis Christi à sacra Cœna, quę in his-
ce terris peragitur, deq; M O D O percipi-
endi illud, non grauabor, denuò summa se-
quens fastigia rerum, de hac lite & bello
sententiam nostram paucis & succinctè
declarare, ac testatam facere palàm.

2.

A principio igitur sentio verba filij Dei,
hoc est corpus meum, quod pro vobis tra-
ditur, nullis omnino glossis aut sophisma-
tibus esse inuertenda, & ad peregrinum
sensum traducenda, sed in sua propria si-
gnificatione accipienda, vt ea sua naturali
& genuina indicatione communiter va-
lent, & ab omnibus sanæ mentis homini-
bus accipiuntur.

3.

Sermo enim vsu valet, penes quem est
arbitrium & norma loquendi.

a ij

4.



4.

2. Credo igitur Christo affirmanti, quòd corpus & sanguis eius verè, & realiter, seu quod hic nobis idem est, substantialiter in sacra Cœna adsit, detur & accipiatur externo modo, cum pane & vino.

5.

Non FIDE tantum, aut Spiritualiter: idq; tam ab INDIGNIS quam à dignis sumatur:

6.

Et contraria docentes, cum Augustana orthodoxa confessione consentiendo, freti Christi institutione, & enunciatis, damnamus.

7.

Cuius Fidei nostræ rationes & firmamenta sunt hæc:

8.

I. Christus iubet nos scrutari scripturas, & negat vel VNICVM iota aut apicem frustra positum, aut irritum redditum iri, quin potius ac prius cœlum & terram corrui turam.

9.

Quapropter nequaquam nobis licet in
sacris

sacris literis, singulares quoque voces aut etiam apices negligere.

10.

Sed oportet nos earum vim naturamq; diligentissimè obseruare, & expendere, indeq; res ipsas sensusq; agnoscere,

11.

Quandoquidem verba sunt notę rerum, & ad hoc ipsum à Christo, Apostolis, & Prophetis adhibentur, vt per illas verborum notas res ac sensus Dei intelligamus.

12.

Christus disertissimè inquit: Hoc est 2. corpus meum:

13.

Haud dubiè id ipsum & ille sensit, & nos sentire voluit, quod tam clarè serioq; affirmavit, quod etiam toties per suos Evangelistas repeti & inculcari voluit.

14.

Certè Christus noluit suos in re tam SACROSANCTA simul & adeo periculosa, præsertim iam moriens, phaleratis verbis decipere.

15.

a in Horrenda

Horrenda igitur, & Gigantea audacia est, in tam sacrosancto Mysterio, ac vltima voluntate & Testamento Filij Dei, à tam expressis, perspicuis ac præpotentibus verbis discedere.

16.

3. Passim in scriptura, vbi quid figuratè dicitur, aut statim ac propalàm cernitur Tropus, seu sermonis improprietas modificationè, aut mox Spiritus S. id alijs verbis declarat, aut denique paulò post, vel etiam alibi id repetens, exponit:

17.

Quorum tamen nihil hinc fit, aut de isto dicto alibi dicitur.

18.

Quod est non obscurum testimonium, quod illa dicta simpliciter intelligenda sint.

19.

Certè enim Spiritus sanctus, toties eam sententiam iterando, & eadem ipsissima verba in plerisq; locis retinendo, ac inculcando, ac nusquam Tropum vel Modum indicando, abundè testatur, illa ipsa verba PROPRIE, & non per aliquam modificationem accipiènda.

20.

Sic propriè & simpliciter verba Sacrae 4.
cœnæ intellexit & Paulus dicens:

21.

Panis fractus, aut panis fractio est. com-
municatio, aut participatio corporis
Christi.

22.

Quod dictum etiam ipsi Aduersarij his
ipsis verbis, non raro exponunt.

23.

Cum igitur Paulus sentiat, panis fracti-
onem, aut sumtionem esse corporis Chri-
sti participationem, necessario intelligit
simpliciter, propriè & ad verbum, Christi
dictum.

24.

Eundem suum intellectum verborum
Christi, Paulus eo dicto etiam testatur,
cum dicit, indignos quoq; in comedendo
non diiudicare corpus Domini, quod i-
dem est, ac sine diiudicatione suscipere, &
reos illius fieri, sic eo abutendo.

25.

Eodem modo & D. Iohannes eadem 5.
verba intellexit, affirmans in terris esse ac

a iij

testari

testari de Christo non tantum Spiritum,
sed etiam Aquam & Sanguinem.

26.

Quod necessario intelligi debere de i-
psis duobus Sacramentis contextus liqui-
dò ostendit.

27.

Intellexerunt ita illud dictum etiam Pa-
tres, atq; adeo etiam Oecolampadius ipse
in commentarijs, & Calvinus in instituti-
onibus.

28.

Quapropter istis duobus locupletibus
& summæ fidei Testibus certo fidem adhi-
beamus, verba illa sacræ Cœnæ propriè &
simpliciter intelligenda, & in simplici, pro-
prio, genuino & nativo sensu ac intelligen-
tia, constanter retinenda esse :

29.

Et verè in terris, in hisce, inquam, terris,
corpus Christi præsto adesse, & sumtum
in sacra cœna, veluti memoriale quoddam
testari de Christo eiusquè meritis ac bene-
ficijs, iuxta illa Sacrosancta Christi verba :
Hoc in memoriam mei facite.

30.

Christus

Christus enim omnipotens, potest integer & totus præsto adesse, quocunque se al ligauit suo ipsius verbo, & se totum singulis manducantibus ac bibentibus impertiri in Cœna :

31.

Sicut vna vox à multis millibus audita, à singulis, non in partes discerpta, sed integra & perfecta percipitur.

32.

Formula noui Fœderis, Hic est sanguis 6. meus noui Testamenti, manifestè ex veteri fœdere Exod. 24. sumta est.

33.

Quod etiam ex Hebr. 9. vbi ea inde citatur, patet, & aduersarij quoq; præsertim BEZA, & CALVINVS confitentur.

34.

Solummodo igitur Christus differentiæ causa adiecit duas vocolas, nempe, MEVS, vt non intelligatur de victimarum sanguine, & NOVI, ad discrimen veteris Testamenti.

35.

Quare cum illa formula olim sit propriè & nō figuratè accepta, necesse est iam

a v quoque

quoque eam propriè accipi.

36.

7. Conferunt isti locutionem sacræ Cœnæ cum quibusdam dictis veteris Testamenti, ac ex illorum intellectu, volunt huius sensum contra natiuam & genuinam vim, fingere, quæ tamen ipsa nusquam ita leguntur.

37.

At quanto iustius fuerit, eius intellectum ex ipsamet sumere, vel eam secum conferre, ac ex eo sensu aut intellectu, in quo olim usurpata fuit, æstimare, ut nos modo fecimus?

38.

Haud dubiè enim Spiritus S. tam sacræ fœderum formula nunc quoque in eodem sensu utitur, in quo olim in simili fœderum cum populo sancientorum, aut Sacramentorum materia usus est.

39.

Cum autem ea in hoc Sacramento propriè & ad verbum, ac de præsentī, seu coram exhibitō sanguine intelligatur, proculdubiō, altera quoque pars, aut locutio, de corpore Christi dicta, itidem propriè accipi-

accipienda est, de corpore Domini ibi coram exhibito.

40.

Illa ipsa summa incertitudo, instabilitas, ac varietas, atque adeo multiplex contradictio opinionum circa verba Testamenti Christi, omnium eorum, qui à simplici ac nativo, proprioq; horum verborum intellectu recedunt, abundè tum ipsorum sententiæ vanitatem, tum etiam nostræ veritatem ac firmitatem confirmant, comprobant, demonstrant.

41.

Nam isti nec certam vocem, in qua sit Tropus immotè proferre ac comprobare possunt:

42.

Nec ipsum Tropum seu Modum quisnam sit, certò definitè & immotè demonstrare, nec certum proprijsq; verbis expressum textum dare, aut denique certum ac perspicuum sensum proponere, & confirmare queunt. Id verò verius est.

43.

Inde est, vt sit infinita sententiarum, interpretationum, Troporū ac Modorum
istorum

istorum hominum diuersitas :

44.

Quorum magnam non tantum varietatem, sed etiam contrarietatem, tum olim ter maximus & diuinus ille Lutherus p. & S. memoriæ, tum etiam alij multi collegerunt, ac publico scripto demonstrarunt, citatis ipsorum proprijs verbis ac dictis.

45.

Exempli gratia : Caroloftadio pronomen demōstratiuum, Hoc, monstrat illud sedens Domini corpus :

46.

Lasco monstrat totam illam actionem vt ea tota dicatur corpus.

47.

Zwinglio verbum, Est, idem valere, quod significat.

48.

Oecolampadio corpus idem est, quod figura corporis :

49.

Alijs, quod signum, aut symbolum :

50.

Alijs, quod meritum, aut passio :

51.

Alijs,

Alijs, quod efficacia quædam, aut influ-
entia quædam cœlitus stillans aut defluens,

52.

Seu etiam **ABSTRACTVM** quoddam,
vt quidam, istorum primarius Magister,
philosophatur.

53.

Summa, non est quisquam illorum scri-
ptor, qui non in horum verborum inter-
pretatione à **SEMETIPSO** dissideat, aut
qui non secum pugnet varietate interpre-
tationis, & etiam sensus, ac denique inte-
græ sententiæ horum verborum.

54.

Quapropter hinc manifestissimè sequi-
tur, perspicuumq; euadit, & istos præuari-
cari in sacræ Cœnæ Textum, dum eum ad
Tropum trahunt, ac detorquent, & con-
trà nostram eius secundum proprietatem
verborum acceptionem veram ac genui-
nam Christi mentem esse.

55.

Declamitant isti perpetuò, panem esse
tantum signum corporis Christi, & verba
illa, Hoc est corpus meum, exponenda es-
se, Hoc est signum corporis mei.

56.

56.

Contrà obserua, vbinam Filius viu-
tis Dei posuerit signum, ibi & T v pone,
non vbi mortales mendacesq; homuncio-
nes; qui & falli, & fallere solent.

57.

CALVINVS ponit signum initio illo-
rum verborum, Hoc est corpus meum.

58.

At Christus ponit post omnia ista, Hoc
est corpus meum, quod pro vobis tradi-
tur, nempe in verbis, Hoc facite in memo-
riam mei.

59.

Crede Christo, non Sacramentarijs,
Berngarj posteris.

60.

Quòd autem Christus posuerit & vo-
luerit ibi intelligi signum, manifestum est.

61.

Quicquid enim fit in memoriam alteri-
us, id eius Mnemosynon, aut signum me-
moriale est, quod negari non potest.

62.

Non igitur panis est propriè signū cor-
poris, sed tota illa Actio, nempe, sumtio

& come-

& comestio panis, qui est verum corpus Christi, & potio vini, quod est sanguis Christi.

63.

Ea, inquam, est signum memoriale Christi, admonens nos, Christum esse nostrum, nobis datum, & pro nobis passum.

64.

Confirmant quoq; hanc intelligentiam verborum Cœnæ sacrae, perpetuæ istorum definitiones, quarum aliquas etiam veteres vsurpârunt.

65.

Vt quòd Sacramentum sit signum gratiæ, T O T V M, inquam, Sacramentum, non solum Elementum.

66.

Confirmat hanc sententiam Paulus, qui dicit Circumcisionem esse signum iustitiæ gratuitæ, Rom: 4. nempe, totum illud Sacramentum intelligens.

67.

Confirmat & istorû Antesignanus L A S C V S, qui copiosè disputat, non ipsa nuda Elementa, sed totas actiones esse P R O P R I E signa in Sacramentis.

68.

68.

Falsa igitur ac prorsus violenta est interpretatio Cinglianorum, qui ita Sacrosanctum Testamentum Christi torquent, tanquam si ille dixerit, Hic panis est signum corporis,

69.

Cum ille contrà claris verbis testatus sit, totam illam sacram actionem, seu summationem panis ac corporis, vini & sanguinis Domini, esse signum memoriale ipsius & passionis eius.

70.

Illud igitur recordari Domini & ipsius Mortis, est PROPRIE illa spiritualis MANDUCATIO, cuius ista CORPORALIS signum est.

71.

Quam Spiritualem isti falsò in verbis: Accipite, edite, hoc est corpus meum, comminiscuntur.

72.

Crede igitur potius Christo veraci, non hominum seductorum, & seducentium turbæ fallaci.

73.

Si tutus

73.

Si tutus esse à deceptionibus Antagonistarum in sacra Cœna vis , oportet te , christiane Lector , obseruare , bis ibi nobis Christum expressè offerri, & DVAS PERCIPIENDI RATIONES monstrari :

74.

Semel proponitur nobis tantum corpus & sanguis Ipsius , VT ESSENTIA Sacramenti :

75.

Secundò TOTVS Christus cum omnibus suis donis , meritis , ac beneficijs , tanquam fructus huius Sacramenti.

76.

Primùm igitur clarè offert Dominus communicantibus tantum corpus ac sanguinem suum , cùm de datis in cibum ac potum rebus pronunciat , illa esse corpus ac sanguinem suum , eaq; accipere , edere , & bibere iubet.

77.

Indicat quoque ibidem EXTERNAM eius percipiendi RATIONEM seu MODVM,

78.

b

Nam...

MEM

Nam verba Accipite & comedite, necessum omnino est, de EXTERNA accceptione intelligi, vt ex textu ipso euidentissimè patet.

79.

Sicut enim Dominus EXTERNO modo dedit, ita etiam accipi voluit.

80.

Quòd si sic illa verba intelligenda non sunt, sed TANTVM de INTERNA quadam COGITATIONIS aut FIDEI ACCEPTIONE, tum planè tota sacra Cœna aboletur.

81.

Quis enim non expressè à Domino iussus audebit cœnam talem peragere?

82.

SECUNDA VICE itidem euidenter offert sese nobis Christus, illis verbis: Quod pro vobis traditur, & pro vobis effunditur, & : Hoc facite in mei memoriam.

83.

Non enim ibi ociosa, aut inutilis memoria præcipitur, qualem absentium hominum frustra peragimus.

84.

Sed

Sed planè OPEROSA, Christi APPRE-
HENSIVA, nobisq; SALVTARIS,

85.

Qua videlicet credimus ac certò statui-
mus, eum nobis à Patre donatum, pro no-
bis nostraq; salute passum esse, nosq; in-
gentibus bonis, sua morte partis, ditare,
quaq; eum verè apprehendimus, & omni-
bus horis nobis, credentes applicamus,
propriumq; reddimus.

86.

Quare illa verba, Pro vobis effunditur
in remissionem peccatorum, & : Hoc in
mei memoriam facite, tantundem valent,
ac CREDITE, quòd ego cum omnibus
meis bonis sum vester, meq; ita FIDE ac-
cipite.

87.

Vt Ipse illic verè sese nobis totum do-
net, vnà cum passione ac omnibus thesau-
ris & diuitijs suis.

88.

Docet nos Dominus etiam MODVM
ac Instrumentum, quo Ipsum in hac po-
steriori exhibitione accipere debeamus,
nempe, per FIDEI memoriam, non au-
tem otiosam, vt dixi: b ñ 89.

Sed talem, qua certò credimus, eum olim nobis à Patre suo donatum in Mundum venisse, nostri boni causa incarnatum, passumq; esse, & resurrexisse, ac in cœlum ascendisse, semper se ac omnia sua parta bona, nobis per hanc fidei memoriam, aut cogitationem apprehensiuam distribuere & applicare, nos iustificare, per Spiritum sanctum illuminare, & renouare, adoptare, ac vita æterna donare, cœloq; beare.

Hæc est INTERNA & SPIRITVALIS eius sumtio, ac MANDVCATIO, quam planè falsò, ac violenter intorto & peruerso textu sacri Testamenti in priora illa: ACCIPITE & COMEDITE, Hoc est corpus meum, &c. intrudere, sed frustra, conantur.

DVAE ergo, DVAE, inquam, cùm propalàm sint DONATIONES Christi in sacra Cœna, & DVO MODI eum PERCIPIENDI, VTRAQVE SVMMMA FIDE, ambabusq; (vt dicitur) manibus retinenda est.

92.

Quandoquidem etiam **DVPLICES** possitissimum quasi fures habent.

93.

Nam posteriorem **SPIRITVALEM**q; sub specie ac ostentatione illius prioris & **EXTERNAE** nobis Papistæ auferre moluntur :

94.

PRIOREM verò nobis isti alij Aduersarij (Sacramentarios, prolem Berngarij, intelligo) suffurari conantur, Dum hanc posteriorem Spiritualemq; simulant sese nobis venditare.

95.

Illa etiam euidens nota **VANITATIS II. OPINIONIS** istorum est, quòd nullam illi interpretationem ac sensum verborum huius sacrosancti Testamenti excogitare ac reperire possunt, qui non secum ipse, & præsertim cum textu, & verbis sacrae Cœnæ propalàm pugnet : vt à multis hætenus publicè plenisq; scriptis, verè ac solidè est demonstratum.

96.

Necesse autem est omnem sensum, ac
b iij glossam

glossam cum textu pugnantem, **FALSA** esse.

97.

2. Postremò (vt innumeras alias veritatis **DEMONSTRATIONES** omittamus) quis vnquam homo fuit tam peruersus, vt moriens suum Testamentum improprijs ac obscuris verbis locutionibusq; condere voluerit, conatusue sit.

98.

Sed potius in id tota mente totoq; animi impetu incumbunt omnes sanæ mentis homines, vt quàm maximè, perspicuè, & oratione proprijsima, condentes sua Testamenta, loquantur, quò omnem ambiguitatem, errorem, omnemq; litis materiam, ac occasionem excludant, auferantq;.

99.

Quantò magis id necessum est, nos sentire, ac statuere, de, **FILIO DEI**, optimo Doctore, & nostræ salutis studiosissimo fratre, præsertim in tam graui, & tum salutari rectè vtentibus, tum etiam pernicioso abutentibus, Mysterio, quod cognosci & intelligi voluit ab omnibus hominibus, doctis & indoctis ?

100.

Quare summum nefas fuerit concedere. Christum ita improprie locutum esse, ut nulla certa interpretatio, & sensus reperi-ri, ac demonstrari comprobariq; possit.

101.

Sicut isti sanè volunt, qui tam varias, ac incertissimas, atq; adeo contrarias inter-pretationes quotidie comminiscuntur, si-biq; id licere etiam audacissimè, & perfri-cta fronte, contendunt.

102.

Ostendi, vel potius indicaui aliquot fir-missimas rationes, cur omnino oporteat proprie verba sacrae Cœnae accipi, & non figuratè,

103.

Et cur debeamus credere corpus Chri-sti verè in sacra Cœna adesse,

104.

Et realiter cum pane, & vino exhiberi externo modo sumendum.

105.

Ex hisce autem omnibus liquidò appa-ret, nos sequi in controuersia Sacramen-taria integrè & bona fide, sententiam de-

b iij

cimi.

cimi Articuli Augustanæ confessionis, &
vberioris in Apologia declarationis.

106.

Decimus autem Articulus in incorrupta confessione Augustana sic habet ad verbum:

De Cœna Domini docent, quòd corpus & sanguis Christi verè adsint, & distribuuntur vescentibus in Cœna D. Et improbant secus docentes.

TESTIMONIA QVÆDAM
veterum Scriptorum Ecclesiasticorum: quibus probatur corpus, & sanguinem Christi, sumi in Cœna O R E corporali.

AUGUSTINVS lib. 12. contra
Faustum, cap. 9.

Mediatorem Dei, & hominum, hominem IESVM Christum, carnem nobis suam manducandam, bibendumq; sanguinem, dantem, fidei corde, atq; O R E suscipimus.

Epistola 118.

Placuit Spiritui sancto: vt in honorem
tanti

tanti Sacramenti, in O S Christiani prius
Dominicum CORPVS intraret, quàm cæ-
teri cibi.

Sermone de tempore 215.

Videte fratres charissimi, si iustum est :
vt ex ORE Christianorum, VBI COR-
PVS Christi INGREDITVR, luxuriosum
canticum, quasi venenum diaboli, pro-
feratur.

CYPRIANVS sermone de lapsis.

Sanctificata ORA cœlestibus cibis, post
corpus, & sanguinem Domini, prophana
contagia, & idolorum reliquias respuerūt.

CHRYSOSTOMVS in Matth.

Homil. 59.

Quæ venia nobis dabitur: Imò verò
quæ supplicia non perpendemus: quando
linguam nostram, qua Dominicam degu-
stauimus carnem, diaboli sponte linguam
efficiemus.

Idem Homil. 6. in 1. Epistola
ad Timoth.

Nihil amarum, nihil durum ea lingua

b v profe-

proferat, quæ diuinis rebus assueta est : nihil ex illo ORE prodeat : quod DOMINICO CORPORE sæpius saginatur.

In cap. II. Epistolæ I. ad Corinthios.

Hæc facis, ea præsertim die : qua carnem eius, lingua contingere dignus effectus es. Et, ut hæc tibi non accidant : instrue dextram linguam, & labia, quæ in te, ad INGRESSUM Christi, veluti vestibula facta sunt.

In sermone de Eucharistia.

Reputate salutarem Sanguinem, quasi è diuino, & impolluto latere effluere, & ita approximantes, puris labijs accipite.

THEOPHYLACTVS in cap. 13. 2. Epist: ad Corinth:

Cùm Dei nos ad Templum præferimus : OS quidem, quod est huius Templi vestibulum, deosculamur : per IDIPSUM præterea CHRISTVS INGREDITVR : cùm sacrosanctum sumitur corpus.

CYPRIANVS in sermone de lapsis.

Alta, & erecta ceruix, nec quia cecidit, inflexa est. Tumens animus, & superbus, nec quia victus est, fractus est. Iacens stantibus, & integris vulneratus minatur: & quòd non statim Domini CORPVS, inquinatis manibus accipiat, aut ORE polluto, Domini SANGVINEM bibat, Sacerdotibus sacrilegus irascitur.

AMBROSIVS ad Theodosium Imperatorem, vt scribit Theodoretus lib. 5. cap. 18.

Quibus oculis aspicias Domini templum? quibus calcabis pedibus sanctum illius pauimentum? quomodo manus extends, de quibus adhuc sanguis stillat iniustus? quomodo huiusmodi manibus suscipies sanctum Domini corpus? quia temeritate ORE tuo poculum sanguinis preciosi percipies? quando furore verborum tuorum, tantò iniustus est sanguis effusus?

Et iterum Theophylactus in
3. cap. ad Coloss.

Apertè

Apertè, vestro ORE, dixit, id est, quòd ex Dominici corporis communicatione sanctificatum est. Absurdum itaq; , vt OS illud sermonis scèditate coinquinetur : quod Christum suscipit.

GREGORIUS lib. 4. Dialog.

Eius quippe caro ibi sumitur: cuius sanguis iam non in manus infidelium, sed in ORA fidelium infunditur.

Idem Homil. 22. in Euang.

Quid namque sit sanguis agni, iam non audiendò, sed bibendo didicistis. Qui sanguis super vtrunq; postem ponitur, quando non solum ORE corporis, sed etiam ore cordis hauritur.

LEO Papa in sermone 6. de Ieiunio.

Sic sacræ mensæ communicare debetis : vt nihil prorsus de veritate corporis Domini, & sanguinis ambigatis. Hoc enim ORE sumitur, quod fide creditur.

Huc pertinent loca sanctorum Patrum: quibus ostendunt, Christum intra nos sumi in

mi in Cœna eius : nec animam tantum, sed corpus etiam nostrum, ad resurrectionem mortuorum, & vitam æternam pasci carne, & potari sanguine Domini.

CHRYSOSTOMVS Homil. 60.
ad populum Antioche-
num.


Quod nunc dicunt : Vellem ipsius formam aspicere : figuram, vestimenta, calciamenta. Ecce, eum vides : ipsum tangis, ipsum manducas : & tu quidem vestimenta videre cupis. Ipse verò tibi concedit, non tantum videre, verùm & manducare & tangere, & INTRA TE suscipere.


TERTULLIANVS lib. de Resur-
rectione carnis.

Caro corpore, & sanguine Christi vescitur : vt & anima de Deo saginetur.

IRENÆVS libro 5.

Quomodo carnem negant capacem esse donationis Dei : quæ sanguine & corpore Christi nutritur ?







... in ...
...
...
...

...
...

...
...
...
...
...
...
...
...

...
...

...
...

...

...
...

...

...
...

...